60

Hett es doch kommen könt jhm nicht zu statten mehr:

Glaub nicht/ daß er drümb wer gewesen angenehmer

Jm Himmel/ und erlangt drinn eine stell bequehmer/

Oder daß minder staub im grab er hett gefühlt/

Vnd minder würm im sarg/ aus seiner Leich erzielt:

Nein/ o Fürstin/ so bald Atropos, ohn mitleiden

Von unserm leben uns den fadem ab thut schneiden/
Verschwindt das alter all/ es folgt den todten nicht/
An denen man der Jahr kein unterschied mehr sicht.

Drümb/ matt dich selbst nicht aus²8/ mehr/ mit vergebnen klagen/

Daß ein ewig Ade er dieser welt must sagen/

Kein besser artzeney kan ich dir zeigen an/ Als/ so es müglich ist/ so offt nicht dencken dran: Jch heiß zwar unrecht nicht/ daß ein hertz hoch betrübet Vmb des verlust/ das es über all ding geliebet/ [Q ij r] Durch seiner augen renn auslaß die bitterkeit/

Vnd durch solch mittel denck zu miltern sein groß leid/ Vornemlich/ wann der todt/ der nimmer sich vernüget<sup>29</sup> Scheidet/ was die natur zusammen hat gefüget/ Es müst der/ dem es nicht tieff thet zu hertzen gahn Seyn/ wie ein Tiger wild/ ja/ gar kein hertz nicht han:

45 Aber sich gantz und gar nicht wollen trösten lassen/
Wollen in seinem leid sich gantz und gar nicht fassen/
Sich wollen hassen selbst/ ümb andrer lieb allein/
Solt das wohl recht gethan/ solt das wohl ehre seyn?
Job/ must die kinder sein all auff einmahl verlieren/

Es that sein hertz zwar auch sehr tieff der schade rühren/ Er tröst doch wieder sich/ weil Gott/ was seine gnad Jhm einst gegeben/ jhm wieder genommen hat: Dergleichen hertzeleid must David auch empfinden/

Vnd that doch mit vernunfft es endlich überwinden/
Die hoffnung/ daß er einst würd bey jhm wieder seyn/
Jn seim betrübniß groß must trösten jhn allein.
Nicht daß jhm auch nicht schwer gewesen zu ertragen/
Daß ein stück seines leibs die würm schon solten nagen/

Daß ein stück seines leibs die würm schon solten nagen/ Sondern daß in eim ding dem nicht zu helffen mehr/ Er auch zu finden hülff sich nicht wolt mühen sehr.

Der todt acht keines nicht/ keinem giebt er gehöre<sup>30</sup>/
Es hilfft nichts/ ob man jhn gleich bete noch so sehre.
Zu unserm ruffen er stopfft beyde ohren zu/
Vnd lest ohn all erbärmd uns schreyen/ jmmerzu.

65 Der Arm/ in seiner hütt mit stroh und schilff bedecket/ Wird von jhm auff die erd nach seiner leng gestrecket/ Der König hohe Thürn/ er alle übersteigt/ Vnders gesetze sein/ er/ was nur lebet/ beugt. [Q ij v]